



საქართველოს მეცნიერებათა ეროვნული აკადემია
ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბულატ ოკუჭავა



ბ. ოკუჭავა

ბულატ ოკუჭავა (1924-1997), პოეტი, ბარდი, ლირიკული სიმღერების ავტორ-შემსრულებელი. წარმოშობით ქართველი. დაიბადა მოსკოვში. მონაწილეობდა II მსოფლიო ომში. ლიტერატურული მოღვაწეობა დაიწყო 1953 წლიდან. ეკუთვნის პოეტური კრებულები: "კუნძულები" (1959), "თინათინისკენ" (1964), "მხიარული მედოლე" (1964), "დიდსულოვანი მარტი" (1967), "არბატი, ჩემი არბატი" (1976). ბ. ოკუჭავა ავტორია სიმღერების, აგრეთვე ისტორიული და სატირული-პროზაული თხზულებების, კინოსცენარებისა და მოთხოვობების. რუსეთში განსაკუთრებული პოპულარობით სარგებლობდა. მან თარგმნა თანამედროვე ქართველი პოეტების ლექსები. ცნობილია მისი ნაწარმოები "დილეტანტის მოგზაურობა კავკასიაში".

გარდაიცვალა პარიზში, დაკრძალულია მოსკოვში ვაგანკოვის სასაფლაოზე. ოკუჭავას ძეგლი დგას მოსკოვის ცენტრში არბატზე (ავტორი გ. ფრანგულიანი).